

## Papia Jut da Mandagıt

*But pıso gen*

Gen on papiagwan toŋ uŋun 2 Pita kon gen toŋ uŋun yombem pali. Uŋun Piŋkop dakon miŋat amıno Gen Bin Tagısi dakon uwalni da gen yoŋ uŋun do mirak dimasi yopni do yosok. Papia da yaŋ yosok, “Piŋkop da miŋat amin kabini nin nandan gadat kalonı kongin atneŋ do yosok. Ae amin kindı da nin da nandan gadat aman uŋun kulabık arıpmi dima asak.” (Gagi 3 kon koki).

Jut da yoyıdet toptopmi do pındak kimotni do yosok. Uŋun da yaŋ yoŋ, Piŋkop dakon nandan yawotni uŋun madepsi do yokwi morap galak tokjikon tagı ani yaŋ yoŋ. Uŋun topsi yoŋ do kan kimotni do yosok. (Gagi 4 kon do koki.)

*Ji nandan gadatji do kıla anek Gen Bin Tagısi dakon uwalni pabiŋ yopni*

<sup>1</sup> Nak Jut, nak Yesu Kristo dakon oman monjini, ae Jems dakon padıge.

On papia uŋun Piŋkop da miŋat amıno yaŋ damgut ji do mandısat. Piŋkop Dat da but dasi galak taŋ damısak, anakwan Yesu Kristo da iyi kilasi tagısi asak.

<sup>2</sup> Piŋkop da paŋpulugarıban bupmi anpak gat, ae but yawot anpak gat, ae amin do but dasi galak taŋ yomyom anpak da egip egıpjikon madepsi tosak do bisit asat.

*Gen Bin Tagısi dakon uwal dakon gen*

<sup>3</sup> Notnonisi, mibiltok nak Piŋkop da nin morap yokwikon baŋ timit do anek pi madepsi agit uŋun do papia mandan dam do galagi madepsi nandat, mani abisok gen kinda mandaken yan nandisat uŋun yan: ji nandan gadatji kilani tebaisi anek uwalji dakon gen pabin yopni. Piŋkop da nandan gadat kaloni on minjat amini nin do nimgut, do amin kinda da yo nin da nandan gadaman uŋun kulabik aripmi dimasi asak.

<sup>4</sup> Nak gen uŋun dayisat, nido Piŋkop manji iman amin di panmuwukbigwan pasikon da kili abin pigen. Uŋun amin gen yokwisi yan yon, “Piŋkop dakon nandan yawotni madepsi, do yumabi anpak mibili mibili tagi anen.” Uŋun amin da Amin Tagi Yesu Kristo Kila Amin Madepnin kaloni manji iman, do kalipsigwan Piŋkop gen papia da yagit uŋun da aripmon ujuden amin pasidan.

<sup>5</sup> Ji Amin Tagi da kalip yo agit uŋun kili nandawit, mani butji pabo pisanban uŋun do sigin nandani do dayisat. Amin Tagi da kalip Israel amin uwal da kisiron baŋ timikban Isip yipman kiwit. Anek don nandan gadat dima awit amin uŋun pantasik agit.

<sup>6</sup> Ae anelo do nandani. Diwaru uŋun Piŋkop da pi yomgut uŋun ak do dima galak tawit, anek kokupni yipman dekgwit. Yan awit do Amin Tagi da nap teban tebaisi uŋun baŋ panteban agit, ae dam teban pilin tuksigwan yopgut da ekwan. Uŋun Piŋkop da kobogi do yo yokwisi yomdisak dakon bisap madep do jomjom anek ekwan.

<sup>7</sup> Ae Sodom kokup amin gat ae Gomora kokup amin gat ae kokup uŋun da kapmatjok tawit uŋun

do nandani. Uņunyo kisi anpak yokwisi awit. Wili miņatyo kisi da yumabi anpak mibili mibili awit, do Piņkop da kindapmon soņban pasilgwit. Uņun da mama gen niyiņek yaņ nolisak, yokwi pakpak amin morap kindap kimot kimori mini uņungwan kobogi timitdaņ.

<sup>8</sup> Ji dakon nandak nandak paņupbal ak do pi aņ amin uņunyo kisi yaņ giņ anpak yokwi aņ. Diņmin mibili mibili piņdagek uņun da paņtagap aban yumabi anpak aņek giptim timni paņupbal aba iņanisi aņ, ae Piņkop kwen wigik aņ imiņek aņelo tapmimi toņ uņun do yaņba yokwi tok aņ.

<sup>9</sup> Maikel uņun aņelo morap dakon mibiltok amini, mani uņun yaņ dima agit. Maikel gat Sunduk gat namin da Moses dakon giptim abidosak yaņ do gen emat agimal bisapmon, Maikel Sunduk do yaņba yokwi tok aņ imiņek gen yaņ imdo si pasalgit. Yaņ giņ yagit, “Amin Tagi da iyi gen tebaisi gayisak dosi nandisat.”

<sup>10</sup> Mani uņun amin yo morap mibili dima nandaņ pišoņ uņun do yaņba yokwi tok aņ. Uņun bit kilapyo buri mini yombem da giptim dakon galaktok yolgaņ. Uņun anpakni da obisi paņupbal aņ.

<sup>11</sup> Awa, kaņ kimotni. Uņun Ken dakon anpak aņ. Uņun Balam da agit uņuderj monerj timit do tek kindap aņ. Uņun Kora da agit uņuderj Piņkop kwen wigik aņ imaņ, do wagil pasildaņ.

<sup>12</sup> Ji but kalon aņek jap noknok bisap madepmon yikgaņ bisapmon uņun amin ji da binap-

---

**1:9:** Dan 10.13,21; 12.1; Sek 3.2; 2Pi 2.11; PA 12.7      **1:10:** 2Pi 2.12

**1:11:** WW 4.7-8; IDT 16.1-35; 2Pi 2.15; 1Jn 3.12      **1:12:** 2Pi 2.13,17

mon yikgan unun imal kwakwagikon garak an unun yombem. Mani unun ji gat yigek jap nok do mayagi dima nandan. Unun amin iyi banjin panpulugok dogin nandan. Unun gikwem sikak dima yopba manakwa mirim da pisonba dukwan dukwan kwan unun yombem. Unun kindap bami toktok bisapmon bami dima pokgon, ae geli walimbil pilikbi, do kosit bamot kimakgit.

<sup>13</sup> Unun amin tap madepsi tamalikgan unun yombem. Yokwini dakon mayagi tarak ae sibat sibat da yan ilenikon noman ton. Unun kundukon gik kositni ban dima yolek akwan unun yombem. Do Pinokop da kokup pilin tuk dakon pilin tugisi kili an noman an yomgut, unudon kin toktok teban egi wigikdan.

<sup>14</sup> Enok unun Adam dakon babiknikon da al-tanban kosiri 7 agit. Unun da unun amin yokwi do kombi gen yanek yan yagit, “Koni, Amin Tagi telagi aneloni tausen morapmi gat apdisak.

<sup>15</sup> Abinek minjat amin morap gen pikon yopdisak. Anek anpak yokwi awit ae gen yokwisi yan imgwit dakon kobogi yomdisak.”

<sup>16</sup> Unun amin yo morap noman tan yoman unun do nandaba yokwi tok anek gen morapmi yon. Unun iyi dakon butni dakon galaktok yokwi unun yol do galak ton. Unun gen pap yanek giptim pawigik anek iyi dakon man pawikwan. Anek minjat aminyo unun panpulugoni do pangalak an.

*Nandan gadatji yipba unun da butji panjeban asak*

17 Mani notnonisi, yo don altokdan unun do aesi nandani, unun Amin Taginin Yesu Kristo dakon yabekbini da kili yan tenjenan damgwit.

18 Unun da yan dayiwit, “Mibi gildaron jigilak gen yogok amin noman tokdan. Anek Pin kop manji iminek iyi dakon galaktok yokwi yoldan.”

19 Unun amin da panmuwukbi panwasan. Unun miktin dakon galaktok bangin yolgan. Telagi Wup unun aminon dima egisak.

20 Mani notnonisi, ji bisapmi bisapmi nandan gadatji Pin kop da iyi ji do damgut unun yipba unun da butji pan teban asak. Ae Telagi Wup da tapmimon bisit ani.

21 Pin kop da ji do but dasi galak tan damisak, do unun da kapmatjok egek bisapmi bisapmi Amin Taginin Yesu Kristo do jomjom anakwa bupmini nomansi analon anakwan egip egip teban abidoni.

22 Nandan gadatni dima teban tanbi amin do bupmi nandan yomni.

23 Ae amin diwari kindapmon ekwan, do ji tepmisi yokwikon ban timitni. Ae diwari do bupmi anpak an yomni bisapmon, yokwikon gepni yan do kan kimagek pasol pasol gat kisi ani. Unun but kalip dakon anpak yolek garak gin awit. Ji yo morap Pin kop da dabilon garagi tagi unun da dubagikon egipni.

### *Nin Pin kop dakon man awiginer*

24 Kili nak Pin kop an kisisat. Tapmimni madepsi, do kilasi anakwan aripmi dima mokdan. Unun da timik pan ki depban iyi gat tilimnikon egek gulusunji mini ae kisik kisik madepsi tan damdisak.

<sup>25</sup> Uŋun kalonŋ daŋin Piŋkop egisak. Aŋek Yesu Kristo Amin Taginin da pi agit uŋun do aŋek nin yokwikon banŋ timikgit. Do mani awigineŋ. Uŋun Kila Amin Madep egisak, ae tapmim madepni taŋ imisak, ae yo morap dakon busuŋi egisak. Wasok wasogikon yaŋ egipgut, ae abisok kisi yaŋ gin egisak, ae don bisap morap kisi yaŋ gin egipdisak teban. Uŋun asi.

**PIN<sup>K</sup>OP GEN**  
**The New Testament and Psalms in the Yopno Language**  
**of Papua New Guinea**  
**Nupela Testamen na Buk Song long tokples Yopno long**  
**Niugini**

copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

---

PDF generated using Haiola and XeLaTeX on 18 Apr 2025 from source files dated 31 Aug 2023

b683ce50-d820-5bfc-8471-d8ee080be106